

Nú verður yfirmatsmaður þess var að einhver brýtur móti ákvæðum laga um Framleiðslueftirlit sjávarafurða eða fyriræla, sem sett eru samkvæmt þeim og ber honum þá að skýra deildarstjóra frá því.

13. gr.

Yfirmatsmönnum er bannað, að viðlagðri ábyrgð eftir ákvæðum almennra hegningarlaga um brot í opinberu starfi, að skýra óviðkomandi mönnum frá nokkru því, sem leynt á að fara og þeir hafa fengið vitneskju um í starfi sínu.

14. gr.

Yfirmatsmenn verða að setta sig við þær breytingar, sem gerðar kunna að vera á erindisbréfi þessu.

Hér með er úr gildi fellt erindisbréf fyrir yfirfiskmatsmenn nr. 140 13. mars 1950.

Sjávarútvegsráðuneytið, 20. janúar 1978.

Matthías Bjarnason.

Steinunn M. Lárusdóttir.

SAMPYKKT

um hundahald í Selfosshreppi.

1. gr.

Hundahald er bannað í Selfosshreppi að undanteknum þarfahundum á lögbýlum.

2. gr.

Sveitarstjórn er heimilt að veita einstaklingum búsettum í hreppum undanþágu til hundahalds með eftirfarandi skilyrðum:

- Hundurinn skal skráður á skrifstofu hreppsins og þar fær eigandi hundsins afhenta merkta plötu, sem jafnan skal vera í ól um háls hundsins.
- Árlega skal greiða í sveitarstjóð leyfisgjald fyrir þá hunda, sem undanþága er veitt fyrir. Gjaldið, sem sveitarstjórn ákveður fyrir eitt ár í senn skal renna til þess að standa straum af kostnaði við eftirlit með hundum í hreppnum og skal unphæð þessi við það miðuð. Gjaldið greiðist fyrirfram við skráningu hundsins til næstkomandi júlímánaðar og síðar árlega 1. júlí fyrir eitt ár í senn. Hundar sem notaðir eru við búrekstur á lögbýlum í bænum eru undanþegnir þessu gjaldi.
- Skýlt er hundeiganda að hafa hund sinn ábyrgðartryggðan hjá viðurkenndu váttryggingarfélagi. Við greiðslu árlegs leyfisgjalds skal leggja fram kvittun frá váttryggingarfélaginu, sem sýni að tryggingin sé í fullu gildi, ennfremur vottorð um hreinsun.
- Hundurinn skal aldrei ganga laus á almannafæri, heldur vera í taumi í fylgd með aðila, sem hefur fullt vald yfir honum. Eigi er leyfilegt að fara með hunda inn í sjúkra- og skólalús, matvöruverslanir eða aðra staði þar sem matvara er um hönd höfð. Eigendur þarfahunda á lögbýlum er þó skýlt að sjá til þess að hundarnir flækist ekki um lausir í byggðinni.
- Leyfi fyrir einstökum hundum er jafnan háð því, að þeir raski eigi ró hrepps-búa og séu hvorki þeim, né öðrum til óþæginda. Skilyrði fyrir hundahaldi í sam-býlishúsum er að allir íbúðaeigendur samþykki slíkt og skal leggja fram skrif-

legt samþykki þar um við skráningu hunds, er gildi þar til sveitarstjóra berst skrifleg afturköllun frá einhverjum íbúðareiganda.

- f) Hundeiganda ber að hlíta að öðru leyti lögum og reglum er hundahald varðar (þ. á m. reglum um árlega hreinsun hunda og greiðslu hundaskatts), svo og fyrir-mælum, sem heilbrigðisnefnd setur. Við brot á skilyrðum fyrir undanþágu til hundahalds skal fjarlægja viðkomandi hund. Skal hundinum komið í vörslu sé um minni háttar brot að ræða í fyrsta skipti. Eigandi hundsins yrði þá að leysa hann þaðan út gegn greiðslu alls kostnaðar vegna brotsins. Sé um að ræða alvarlegt brot eða ítrekað brot, afturkallast viðkomandi undanþága til hundahalds. Hreppsnefnd er heimilt hvenær sem er, að afturkalla leyfi fyrir einstökum hundum eða öll veitt leyfi, telji hún þess þörf.

3. gr.

Hundar úr aðliggjandi sveitum, sem ekki eru í fylgd með eiganda eða umráðamanni og ómerktir eru, svo og aðrir ómerktir flækingshundar skulu teknir úr umferð. Gefi eigandi sig ekki fram eða vitjar hans innan tveggja sólarhringa hefur lögreglan heimild til þess að lóga viðkomandi hundi þegar í stað. Merktir hundar á flækingsi skulu einnig teknir úr umferð. Ef eigandi vitjar hans eigi innan eins sólarhrings og svarar ekki til saka um brot á samþykkt þessari, sé um slíkt að ræða, hefur lögreglan heimild til þess að lóga hundinum án frekari fyrirvara.

Hunda, sem ráðast á menn eða skepnur, skal fjarlægja og lóga þegar í stað. Lögreglustjóri og heilbrigðisnefnd hafi eftirlit með hundum samkvæmt samþykkt þessari og skulu þessir aðilar tilkynna sveitarstjóra án tafar um allar kærur, sem þeim berast vegna meintra brota á samþykktinni.

4. gr.

Ofangreind samþykkt Hreppsnefndar Selfosshrepps staðfestist hér með samkv. 1. gr. laga nr. 7 frá 3. febrúar 1953 um hundahald og varnir gegn sullaveiki og lögum nr. 12/1969 um hollustuhætti og heilbrigðiseftirlit til þess að öðlast gildi þegar við birtingu.

Heilbrigðis- og tryggingamálaráðuneytið, 17. janúar 1978.

F. h. r.

Páll Sigurðsson.

Inqimar Sigurðsson.

G J A L D S K R Á

fyrir heimilisþjónustu á vegum Félagsmálastofnunar Akureyrar.

1. gr.

Fyrir þjónustu veitta samkvæmt reglugerð um heimilisþjónustu skal neytandi greiða fyrir hverja unna klukkustund í samræmi við eftirfarandi gjaldstiga, sem miðast við tímalaun starfsfólks ásamt launatengdum gjöldum.

1. taxti	kr.	0
2. taxti	—	300
3. taxti	—	540
4. taxti	—	890